

新鑄出像點板纏頭百練



山行記

卷之二

甲

新鐫出像點板怡春錦曲絃索元音御集

冲和居士

紅拂記

航海

外同郎上枉自勞心十載餘功名到手却成虛如今
且作任公子。青海灘頭學釣魚。自家一天好事漸漸
成來。不道太原有一真主。難與爭衡。娘子。豈不聞古
人有言。識時務者。在乎俊傑。我如今把這些行徑。都
付與李郎。成就得他。也不枉了我這一片心了。我和

你與他分別。不覺又行了數程。你看好風景也呵。好
悶人也呵。

新水令

一鞭殘角斗橫斜。猛回頭壯心猶楚帝。星明

後隱王氣見還滅。漫自評騭打疊起經綸手。霸王業
步步過貼透。迤山徑飄黃葉。鴈外流霜月。迢迢去路
賒。地比天南夢。覓難越。無端車馬歎。馳驅從征又與
家鄉別。

折桂令

外坐譚間。早辨龍蛇。把袖裡乾坤。做夢裡翻

驟狠的人。海沸山裂。不禁支髮空。跌雙靴。祇因爲自

情者錄
認做豐沛豪傑，因此上小覷了韓彭功烈。我想起那李公子呵，所事撐達，與他爭甚麼鳳食鸞棲。我自向碧梧中別尋支節。

江兒水 貼 搖落長途裡，西風分外冽。秦城夢斷秦樓月，樂遊原上，清秋節。咸陽古道，音塵絕。柳色年年傷別。西望長安，那裡是雲中宮闕。

鴈兒落 帶得勝令 外 空打聽的計，團團把我機關設。空磨籠的事，完成把我心腸竭。我當初的意見，好不惡也。誰知道遇敵劫，把利名輻收不迭。怎肯造赤眉。

業怎肯踊烏江。撇貼勝負兵家不可期。你爲何就要
手手。外休說早覲了。上場頭一盤兒折與滅。咱若是
不識時幾送了也。

僥僥令貼裙釵。應有恨豪傑。漫谷嗟。偌大江山都拋
捨。又何必絮叨叨多話說。

收江南外呀。到頭來未免受顛蹶。笑不如早明決。早
知拿雲握霧手。嘆摧折。待學東陵種瓜。却教人垂頭
無語自悲咽。

園林好貼車盤桓。雙輪似遮馬。迤邐雕鞍。污沙成都

市空勞占卦愁心緒亂如麻堆鴉髻點霜華

沽美酒帶太平令外行過處鬼門涉巴前路九疑遮

你看大海將近了也隱隱波濤似捲雪望洋心空切
我想起這大海知道他磨過了多少英雄也可變桑
田幾多歲月祝龍橋舊基磨滅可惜這片無窮的大
水也淘不淨我心性薄劣洗不清我面皮紅熱傷嗟
痛嗟若不自寧貼喉那紛爭幾時休歇

尾聲貼層層蟹市成宮闕仔細看來都幻也空使心

機催鬢雪

歌風記

困羽

岸惡跑馬上力拔山兮氣蓋世。時不利兮雖不逝。嗚呼不逝兮可奈何。虞兮虞兮奈若何。寡人自起兵以來。至今。戰身經七十餘戰。所當者破。所擊者服。未嘗敗北。遂霸有天下。然今卒困于此。此天之亡我。非戰之罪也。適纔潰圍出奔。隨行止有二十八騎。猶斬一將。一都尉。殺數百十人。以明非戰之罪。適運行來。兩條去路。不知從那裡去好。遠遠一箇田父。不免問他。

則箇。哎。田父過來。丑扮田父上。什麼人。叫我做甚。見淨驚跌倒介。淨不要慌張。我是問路的。這裡做什麼地方。丑是陰陵。淨兩條路。那邊去。好。丑是左邊去。好。淨果是左邊。是條大路。策馬下。丑我雖是箇田父。也要有些禮貌。這黑臉將軍。騎在馬上。大模大樣。呼喝喝。誰人肯說真話。被我哄他。一派大澤。那裡去得。恐怕他回來尋我。不免躲罷。雙手劈開生死路。一身跳出是非門。下。外扮亭長上。勝敗兵家不可期。包羞忍耻是男兒。江東子弟多豪俊。捲土重來未可知。

自家烏江亭長是也。聞得我項王被漢兵圍困。或者要逃回江東。亦未可知。不免把船停泊江口。且待他來呀。遠遠一騎馬飛奔來了。淨策馬上呀罷了也。罷了也。適纔田父叫我左邊去。不想陪在大澤之中。蒞蒞一見水窟。追兵又近。怎生是好。外哭介大王爺爺。小人是烏江亭長。等候多時了。江東雖小。地方千里。衆數十萬人。亦足王也。願大王惡渡。今獨臣有船。漢軍至。無以渡。淨大笑介天之亡我。我何渡爲。且藉與江東子弟八千人。渡江而西。今無一人還。縱江東父

見憐而王我。我何面目見之。縱彼不言。藉獨不愧于心乎。罷罷罷。老天。老天。

一枝花可憐我。慙慙百戰勞。辛苦沙場草。匣裡風雷長夜吼。只見這三尺寶環刀。血染征袍。今日裡呵。總然是以蕩傳名號。也不免英雄一旦拋。問將軍戰馬何存。問將軍戰馬何存。止有那滿地愁的。閑花野草。如今的人。都是以成敗論英雄哩。我死之後。便就道漢王怎生威風。怎生度量。俺項羽怎生不如哩。待俺慢慢的細說一番。與亭長聽者。外大王爺。小臣願開

也。

梁州第七淨恁若問楚霸王の威風兇暴破強秦の
事業雄豪我我我把會稽太守頭兒掉因此上提兵
起義因此上西渡江濤因此上重扶六國因此上感
滅秦朝我我我屠幾方跋扈生靈把咸陽一火焚燒
我我我送得箇秦嬰血飲青鋒秦嬰血飲青鋒害得
箇義帝冤迷江棹嚇得箇劉邦背紀信而逃看幾度
相饒行成哀告割鴻溝彼此無爭鬪誰料他卧榻下
嗔人覺猝地渝盟背義着覆卵危巢

外大王爺起兵以來。有那場大戰。那處功勞。最爲得意。小臣不知。試說一番。

牧羊關淨。酣戰在燕齊地。觀兵向秦隴遙。更有那困
彭城。膽顫心勞。敗睢水。屍滿荒郊。今日裡。蒼天不吊。
兀自益烈烈的。將軍膏野草。勇赳赳的。都尉潤金刀。
况兼他數百人都摧倒。今日到此。只爭奈天亾不
可逃。

外原來如此。大王爺兀自好逃去哩。爲何陷于大澤
之內。

四塊玉淨恨恨恨。倉皇轉戰忙。迷失那田間道。無情
田父禍根苗。路岐間送入黃泉早。那裡管帝王臣。那
裡管追兵到。那裡管楚重瞳義氣高。

外大王爺。如今渡往江東。捲上重來。未知鹿死誰手。
不如何小臣歸去者。淨我不去也。我不去也。

哭皇天。你你你。道是歸去也。江東好。怎知道煞羞慚。
面頰難消。總然是江東父老無相誚。怎忍見八千子
弟盡輕拋。可憐我竟夢來家山雲嶠。總然有垂天雙
翅。縮地神勞。靈飛妙術。御氣仙遊。也難返去臨淮相。

水遙只落得鵲啼去蜀鶴怨歸遼

末扮呂馬通貼扮王翳領兵上

末

自家呂馬通是也。

貼自家王翳是也。我等奉韓元帥之命追擒項王。此

間已是烏江了。大小三軍小心圍住者。淨見末指介。

呀。遠遠來的。不是吾故人麼。末回頭向貼指淨介。

項王也。淨吾聞漢王購我之頭賞賜千金官封萬戶。

罷罷罷。你是我故人。送與你罷。那亭長過來。吾知公

長者。吾騎此馬五載。所當無敵。嘗一日行千里。不忍

殺之。將來賜你罷了。外王爺只是下船去。好。樊介。

烏夜啼淨從今後棄撇了江東城社永辭了項氏宗
祧我遊魂一似他往來潮頭顛那裡去還尋討到頭
來戟折沙消磨洗前朝那其間興亾一任史書標興
亾一任史書標應說道霸王仁義全盟好咳沛公沛
公我待要殺你何難也悔鴻門多輕縱你圖僥倖彭
越道今日呵噫臍何及覆水難撈

末貼韓元帥有命要大王早早自裁小將回話者淨
不消催逼我自盡也外哭介呀大王爺還下船去罷

煞尾淨人生到此也難支調修短多應命所招盜跖

顏淵是誰天笑輕生如羽毛富貴難長保試看江上
波濤幾消耗

擲劍下末貼左右的把項王首級取了去回覆韓元

帥者末貼衆先下外呀大王爺可憐也。不免把他骸

骨。權且收斂待日後以禮安葬。我且唱箇吳歌兒。掉

船去罷。歌介自古英雄幾箇得到頭相持鶴蚌戰螭

牛。勸君莫學扛鼎拔山使盡子箇力。弗到烏江也弗

肯休。下

邯鄲記

度世

生扮呂仙。袈裟葫蘆枕上。蓮島何曾見一人。披星帶月。斬麒麟。無緣邀得乘風去。迺向瀛洲看日輪。自家呂岩。字洞賓。京兆人也。泰中文科進士。素性飲酒任俠。曾於咸陽市上。酒中殺人。因而亡命。久之貧落。道遇正陽子鍾離權先生。能使飛昇黃白之術。見貧道行旅消乏。將石子半斤。點成黃金一十八兩。分付貧道。仔細收用。貧道心中有疑。叩了一頭。稟問師父。師

父。此乃點石爲金。後來仍變爲石乎。師父說。五百年後。仍化爲石。貧道立取黃金拋散。雖然一時濟我緩急。可惜悞了五百年後。遇金人。師父啞然大笑。呂岩。呂岩。一點好心。可登仙界。遂將六一飛昇之術。心心密證。口口相傳。行之三十餘年。忝登了上入洞神仙之位。只因前生道緣深重。此生功行纏綿。性頗混塵。心存度世。近來奉東華帝旨。新修起一座蓬萊山門。門外躡桃一株。三千年其花纔放。時有浩劫剛風。等閑吹落花片。塞礙天門。先是貧道度了二位何仙姑。

來此逐日掃花。近奉東華帝旨。何姑證入仙班。因此
張果老仙尊。又着貧道。駕雲騰霧於赤縣神州。再覓
取一人。來供掃花之役。道尤未了。何姑笑舞而來也。
且扮仙姑持帚上好風吹起落花也。

賞花時翠鳳毛翎扎帚。又閒踏天門掃落花。你看風
起玉塵砂。猛可的那一層雲下抵多少。門外卽天涯。
洞賓先生何往。生恭喜你領了東華帝旨。證了仙班。
果老仙翁。誠恐你高班已上。掃花無人。着我再往塵
案。度取一位。敢支分殺人也。且洞賓先生。大功行了。

只此去。未知度人何處。蟠桃宴可早趕的上也。

么你休再劍斬黃龍一線差。再休向東老貧窮賣酒家。你與俺高眼向雲霞洞賓呵。你得了人早些兒回話。遲呵錯教人畱恨碧桃花下。

生仙姑別去。不免將此磁枕襖袂。駕雲而去也。枕是頭邊枕。磁爲心上慈。下丑土我這南湖秋水夜無烟。

奈可乘流直上天。且就洞天賒月色。將船買酒白雲邊。內笑介小二哥發誓不賒。又賒了。丑賒的賒一月。

買的買一船。小子在這岳陽樓前。開張箇大酒店。因

這洞庭湖水多。酒都扯淡了。這幾日賒也沒人來。越
笑好笑。內叫介小二哥。那不是兩箇賒的來也。丑請
進。請進末淨扮二客上。一生湖游客。半醉洞庭秋。小
二哥買酒。丑應介末看壺介酒壺上。怎生寫着洞庭
二字。丑盛水哩。淨笑介也罷。拚我們海量。吞你幾箇
洞庭瀟。丑二位較量飲末小子鄱陽湖生意。飲八百
杯罷。淨小子廬江客。飲三百杯。丑這等。消我酒不去。
八百鄱陽三百焦。到不得我這把壺一箇腰。淨好大
壺嘴哩。做飲唱隨意介丑又一箇帶牛鼻子的來了。

中呂粉蝶兒生上秋色消疎下的來幾重雲樹卷滄
桑半葉淺蓬壺踐朝霞乘暮靄一步捱一步剛則背
上葫蘆這淡黃生可人衣服

醉春風則爲俺無挂礙的熱心腸引下些有商量來
的清肺腑這些時瞪着眼下山頭把世界幾點兒來
數數這底是三楚三齊那底是三秦三晉更有找不
着的三吳三蜀

說話之間。前面洞庭湖了。好一座岳陽樓也。

紅繡鞋赴江鄉落霞孤鶩弄瀟湘雲影蒼梧殘暮雨

響菰蒲晴嵐山市語烟水捕魚圖把世人心閒看取
逸旁放着一座大酒店店主有麼

丑請進送酒介

迎仙客生俺曾把黃鶴樓鐵笛吹又到這岳陽樓將
村酒沽好景好景前面漢陽江上面瀟湘蒼梧下面

湖北江東請了**丑**請什麼子生來稽首是有禮數的

洞庭君主**丑**鬼話內鴈叫介生聽平沙落鴈呼遠水

孤帆出這其中正洞庭歸客傷心處趕不上斜陽渡

生作醉介酒是神仙造神仙喫你這一班兒也知道
喫什麼酒末淨惱介哎也哎也可不道一品官二品

客到不高如你。我穿的細軟羅段。喫的細料茶食。用的細絲鏤鏡。似你這般。不看你喫的。看你穿的哩。希泥希爛的。醒眼看醉漢。你醉漢不堪扶。

生笑介

石榴花。生俺也不和他評高下。說精麤。道俺箇醉漢不堪扶。偏你看醉人的醒眼。不模糊。則怕你村沙。勢比俺更俗。橫死眼比俺更毒。

淨

野狐騷道。出口傷人。還不去。還不去。扯破他衣服。生爲什麼扯。斷絲帶。扯破衣服。罵俺作頑涎騷。道野狐徒。

淨好笑。好笑。便那葫蘆中。那討些子藥物。都是燒酒。

氣。

鬪鷓鴣。生你笑他盛。酒的葫蘆。須有些不着緊的信。

物硬擎着你七尺之軀。俺老先生看汝淨看什麼子。

無過是酒色財氣。人之本等哩。生你說是人之本等。

則見使酒的爛了脇肚。淨氣呢。生使氣的腆破胸脯。

淨財呢。生急財的守着家兄。淨色呢。生急色的守着。

院主。

上小樓。這四般兒非親者故。四般兒爲人造畜。淨難。

道人有了君臣。纔是富貴。有兒女家小。纔快活。都是。

酒色財氣上來的。怎生住的手。生你道是對面君臣
一胞兒女帖肉妻夫。則那一口氣不遂了心來處來
去從何處去。俺替你愁。俺替你想。敢四般兒那時纔
住。

淨二會子先生。一些陰陽晝夜不知。生笑介。你可知
麼。

么問你箇如何是畢月烏。淨月黑了就是。生如何是
房日兔。淨想介。醉了。房兒裡吐去。生你道如何是二
更之午。十月之餘。一刻之初。淨聽他什麼。只噎酒。生

笑介問着你則是一班兒嘴禿速、難道偏則我出家
人有五行攢聚。

衆瞧介包兒裡是箇磁瓦枕。打碎他的生怎碎的他。
呵淨是什麼生料。碎不的他。

白鶴子生是黃婆土築了基。放在偃月爐。封固的是
七般泥。用坎離爲藥物。

淨怎生下火。

么生扇風囊。隨鼓鑄磁汞料。寫流珠燒的那粉紅丹。
色樣殊全不見枕根頭。一線兒絲痕路。

淨笑介枕兒兩頭大窟窿。先生害頭風出氣的。

么生這是按入風開地戶。憑二曜透天樞。淨到空空的發亮。生有甚的空籠樣枕江山。早則是連環套通心臟。

列位都來盹上。會麼。淨寡漢睡的。生笑介到不寡哩。

么平凹兒承姪女並枕的好妻夫。淨有甚好處。生好消息在其中。但枕着都有箇回心處。

淨難道有這話。我們再也不信。生此處無緣。列位看

官們請了。

快活三不是俺袖青蛇膽氣。麤則是俺憑長嘯海天。孤則俺朗吟飛過洞庭湖。度的是有緣人人何處。

作別下介。衆那先生被我們囉哩的去了。我們也去。

罷。相逢不飲空歸去。洞口桃花也笑人。下生上好笑。好笑。一個大岳陽樓無人可度。只索望西北方。迤邐而去。

鮑老兒這是你自來的辛苦。一口氣許了師父。少不得逢人問。渡遇王尋塗。是不是口道着道。詞一路的。

做鬼粧狐

呀。一道清氣貫於燕之南。趙之北。不免振轉雲頭。順風而去。

滿庭芳 非關俺妄言禍福。怎頭直上非烟。非霧。脚踏下非楚。非吳。眼裡這非赤也。非烏。莫不是青牛氣。函關直豎。莫不是蜃樓氣。東海橫鋪。沒羅鏡分金指。度打向假隨方。認取。唵。却原來是近清河。邯鄲全趙。那邊開。

仔細看來。是那邯鄲地方。此中怎得有神仙氣候也。

耍孩兒史記上單注着會歌舞邯鄲女俺則道幾千
年出不的箇蘭相如却怎生祥雲氣罩定不尋俗滿
塵埃他別樣通疎知他蘆花明月人何處流水高山
客有無俺到那有權術偷鞭影看他豔振下探竿識
得龍魚

尾聲欠一箇蓬萊洞掃花人走一片邯鄲城尋地土
但是有緣人俺盡把神仙許則這熱心兒普天下遇
着他都姓呂

一駕祥雲下玉京

臨凡覓度掃花人

大抵乾坤都一照

免教人在暗中行

青樓記

訂盟

且上長相思。窈窕閣盤桓。重重朱箔穩雕欄。庭院
深沉春寂寂。蒲堦苔襯落花閒。生上烹風。飄飄蕩蕩。沉檀。
青樓整日戀紅顏。撫琴欲奏求凰曲。只恐風吹別調
閒。叙禮介。且先生爲何今日出此言。生雖蒙小姐見
愛。生有父母在堂。日後歸省。不免與卿有參商之歎。
恐生別後。卿忘舊戀。新故發此言。且公子怎把妾身。
比作妓女之流。

闔鶴鴉念奴家生長名門深藏閨闈似韞玉無瑕蕙
蘭芳韻闕闕豪家幽深如闌疊戶重關誰敢相親我
本是金屋婢娟豈效秦樓紅粉

紫花兒序誰想中途禍起流落烟花却似孤鴈離羣
君不見崖前松栢怎肯學桃李爭春堪珍歲暮嚴寒
色愈新你莫愁俺言而無信早則愁你歸家時謹從
親命求娶名門

生小姐差矣。今學見爲宣尉。非名門而何。

小桃紅旦我雖是豪門骨肉親奈落迷魂陣未聞良

賤結朱陳漫殷勤。終只恐恩多生怨。成齊鄭撇得我。
孤枕消。冤月殘。燈燼落花寂寂掩重門。

生：小姐心旣猜疑。我和你尋箇憑據。以表二心。何如。

旦：什麼憑據。生：我不說。你試猜着。旦：莫不是刺字阿。

天淨沙：生就便待把渾身刺字成文。悔來時只看作

瘡疥疤痕。旦：莫不是剪髮阿。生：就便待繡窓前剪下

香雲殷勤相贈。怎比得結髮恩深。旦：莫待要換表記

呵。生：就便待將金鳳換羅巾。不過是拋磚引玉假惺

惺。旦：一心嫁你。何必憑據。生：就便待願締絲羅。心是

真只恐怕無媒證姻緣未準你不棄俺兼葭倚玉願
同合香須索拜烏龍廟裡證龍神

且他是神道怎生爲得媒証生我與你同到神前各

爵大愿日后負心神明誅戮且這却好生就此便行

禿厮兒下青樓只見繡幕幃屏隱隱瑞烟香霧氤氳
轉庭堦脚踪兒躡定過苔痕語聲高恐怕隔堦聞休

昏

聖藥王欲從前館出重關恐有人我和你潛身悄出
後牆門向前奔又逡巡更愁關闌遇遊賓由小徑過

花村

生旦作畏縮驚駭介

麻郎兒只見那竹樹榛蕪烟霧續紛炫金闕舍利晶
焯勝蓬萊靈宮幽隱可只是高真保民龍神紫臺五
色繞祥雲玉座上五極高尊碧雲裡一聲金磬

絡絲娘不覺到了龍廟幔亭中霞褥雲裯星壇下鳥
跡苔痕寶幡疊錦階紅塵靈符耀日黔朱印

生你看琳宮金闕形館珠庭正是高閣凌空紅日近
危簷直與白雲齊真道是神仙境界且公子請禱

生還是小姐先請。且心懷無限難憑訴。盡在深深兩拜中。妾姓標名淑貞。浙江被盜。流落娼門。托身趙璠。誓效結髮。日後悔盟。神明誅殛。

東原樂登金闕拜龍神殿。前匍匐心惟謹。願威靈所鑒。虔禋期姻緣。今生有分。早離了烟花門閭。

綿搭絮從今後比目同行。連理生春雪。月皎潔。金石鏗磧。兩心堅白。無縑磷百歲。休念一夜恩。聖像巍巍。可有神負心的哉。禍攸臻。

且請公子禱祝。生心堅鉄石無憑據。因叩龍神作証。

盟趙璿今到姑蘇。遊玩青樓。遇着被難官門之女嫖。
淑貞擬結于飛。后爽前言。神明誅戮。

拙魯速。小姐呵不道恁這時下心不真。恐後來愛新
人。忘舊人。不爭恁目下殷勤。只要你後來全信。兩下
裡早則無憑。懇龍神爲媒証。負心的災難遁。

尾聲。咱兩箇訂盟今日拜龍神。何日全盟謝媒人。不
願取梓連根。效桐詩成婚聘。

旦感卿鐵石稟心堅

生何幸相逢庇二天

生日今日神前同爵愿

他年定結並頭蓮

青樓記

鼓琴

旦上兩相思愁鎖春山。淚盈秋水。粉褪香腮。翠黛深。
歎蕭郎何時相見。跨鳳獅霄。吳猛難逢。靈公不遇。長
江浪急。路途遙。只落得相思兩地。千里神交。自從那
日。偶托孤鴈傳書。不見消息。好煩惱人也。

點絳脣門掩清宵樓臺靜。悄無人到。檻竹蕭蕭。月白
紗窓曉。

混江龍夜深風峭。一庭寒露。落松梢。這些時空憐幽

怡春錦

青樓

二十一

御

景誰伴良宵。暮思就裡傷懷抱。我素質更添新日病。
朱顏不似舊時嬌。好似那清霜暗損海棠春。在風慘
淡梨花貌。恐他回來可見。我這衰容瘦質。恐看作敗
柳殘桃。

奴家思量一會。轉添煩惱。不如操一曲琴。消遣則箇
油葫蘆。玉指調絃韻。轉高一聲聲。似奏虞韶。分明按
宮商操。一曲鳳鸞交。因念別離情變。作孤鸞操。欲把
舊時情寄在陽春調。只恐怕有限冰絃。彈不盡許多
煩惱。只見這玉徽光。映秋蟾皎。幽聲響徹碧雲霄。

天下樂生上只聽得犬吠橋亭夜寂寥迢迢漏聲遙
滲寒光流螢隱竹梢聽瑤琴隔綠窓見銀釭透絳綃
悄立柳邊帶月敲

敲門介旦驚起介

村裡迓鼓旦莫不是誤投簾箔失巢歸鳥莫不
是戰西風簷前簷前的鐵馬莫不是遊人醉迷了歸
道莫不是巡更警柝不然這寒更悄悄何人來到又
敲是人呵把名通報是鬼呵合速滅了生是趙璘快
開門旦你爲甚的夜訪舊交恁把往事從頭告恐燕

石班真寶

元和令生相見時正春風麗碧桃情合時設誓烏龍
廟離別時醉霜楓葉脫林匹馬嘶殘照

旦這是人所共知你但說爾我獨知之事

勝葫蘆生恁道是父掌兵權忝宦豪日暮泊江皋失
警夜遭江上盜孤身漂泊落人圈套不忍笑中刀
么鴛兒將錦帳蘭房貯阿嬌要恁伴英豪你道妓女
何如夫婦好不貪歡笑不圖錢鈔不作路傍挑

旦這真是趙國珍待俺開門相見介你別後受盡苦

楚托鴈傳書。不知你得見否。生不因鴈書。怎得就到。

此。旦功名如何。生功名事。聽我道來。

上馬嬌。誰不願脫青衣。換紫袍。呀。偏是困英豪。桂在月中攀不到。空勞爭。奈廣寒高。

旦功名雖不成。你可同我回去。生我臨別時。說功名

不遂。不來相見。因感小姐志誠。特來告辭。旦作哭介。

冤家。我爲你受盡苦楚。指望得諸位僉。誰想盟誓。都

作空言。昔日恩情。化爲朝露。妾身既已許質於君。焉

能又更他姓。君如不從所志。妾必仗劍而亡。願以頸

血濺君。見我平生貞烈。仗劍介生奪劍介。你好似百
煉真金。精輝益煥。真烈女也。我幸中狀元。故扮白衣。
特來相試。旦你見我仗劍。故來哄我。生你聽我道來。
後庭花。我爲人志量高。論文章壓俊髦。名魁虎榜承
天詔。首占鰲頭奪錦標。賜金花斜簪烏帽。生下帽取
花看。旦恭喜恭喜。這真道中了狀元。生只爲芳卿丟
不下。怕不得路途遙。幸相逢同歡笑。好似梅月共清
高。金玉相輝耀。

生我有一句話告稟。你不要喫惱。旦怎麼說。生卿難

宦女。奈落娼門。卽娶爲妻。恐人譏議。欲爲卿尋訪父母。下落差人接你回家。然後納幣求婚。那時節。正是宦門之女。狀元之妻。却不好也。**且**你旣肯娶我。何不先娶我過門。再待我尋訪父母。你中了狀元。不念舊情。**哭介**

青哥兒生我爲你相思相思多。少我爲你風塵風塵奔走。今日見多嬌。當全盟好。怎肯相拋。你何須意快。心勞終結鸞交。我與你恩愛深如海。志堅牢。天可表。**寄生草****且**想和你相會時。道奴是洞裏桃。恐重來芳

香不似前時妙。劉郎今日重來到。碧桃春色依舊好。誰知你一朝做了玉堂人。如何反負桃花貌。

生 難以口辨。日後方知。

煞尾 且冥鴻羽翼成。不惜周周鳥。只笑你胸襟窄小。未遇時求結鸞交。得志時將人負了。生 我量尤高。天地難包。恁休疑蛇影沉盃。空自心焦。我既忘盟好。金陵何不聘名豪。

生 虞戩烹伏不須歌

且貴棄糟糠奈若何

生 定使仙郎逢月妃

且敢期丹桂近姮娥

焚香記

陽告

外扮大王上。人間私語。天聞若雷。暗室虧心。神目如
電。小聖海神的便是。判官何在。雜扮是判上。今日此
方有一婦人。到廟伸訴冤枉。不許阻擋。雜應介。領法
旨。

正宮端正好。且上恨漫漫天無際。王魁這賊閃賺人
無靠無依。我向那海神靈訴出從前誓。勾取那辜恩
賊。

奴家被王魁背盟再娶。媽媽逼令改嫁。幾乎毆死了也。此恨無由申泄。只得到海神廟。把前日焚香設誓的情由。一一訴告海神爺。求他做箇明證呀。這是海神爺。就把衷情申訴一番。爺爺。奴家姓敎名桂英。與濟寧王魁結爲夫婦。前年上京取應。與他在爺爺面前焚香設誓。誓同生死。若負初心。永墮地獄。如今他得中狀元。別娶了韓丞相女爲妻。一旦把奴休了。害得奴家。上天無路。入地無門。奴家把前後因由。細訴一番。望爺爺早賜報應。那廝。

滾繡球。他因功名阻歸。寄萊陽淹滯。與奴家河水蓬
逢。遂諧匹配。從結髮幾年間。似水如魚。我將心兒沒
盡藏的傾。意見也滿載的癡。誰想他暗藏着拖刀之
計。一談價口是心非。鐵錚錚道生同歡笑。死同悲。到
如今富且易交。貴可易妻。海神爺你道他薄倖何如。
孝大王爺。再取那廝的魂靈來。與奴家折證麼。大王
爺呀。怎的不採着奴家。判官爺與奴家在大王面前。
稟復一聲。小鬼哥哥。你也是知道的。判官不肯與奴
家稟復。你與我稟告一聲如何。天那。

叨叨令曰這根由天知和地知他赴科場時與奴家
臨別呵一同價在神前焚香誓負盟的恰也在刀劍
成粉齏他慘模糊將心瞞昧二日的幸登選魁就氣
昂昂忘了貂裘蔽別戀着紅粧翠眉笑吟吟滿將糟
糠棄大王爺他心兒兀的不狠殺人也麼哥大王爺
你赤緊的勾拿那厮只索與咱明明白白的對

大王爺你須索知道麼呀怎麼不言不語不與奴家
做箇主張大王爺

脫布衫曰他是好生的忌奈得魚明犯着再娶停妻

那日在大王前言猶在耳。大王尊。今日呵。那怎生假粧聾。佯沒理會。

小梁州那厮。他欺罔神靈。恁已爲全不怕冥法。陶司大王爺。與奴家做箇主麼。呀。一任咱一拜一悲啼。肝腸碎。怎不解這情辭。判官爺。你與我在大王面前。方便一聲。判官爺。那日從頭至尾。盟心事。一一的你恰也都知。判官爺。與奴家方便一聲。判官爺。啐。小鬼哥。判官不肯稟。你也是知道的。你可替奴家稟一聲。小鬼哥。啐。也都佯不依。無答對。你看一堂神聖。從早拜

告到如今。都不採着奴家。煩絮得神鬼顛倒。心慌慌
睡魔催。

苦游神爺。奴家告了三日。並不採着奴家。如今天色
已晚。待欲回家。爭奈神思困倦。寸步難行。不免在此
神爺面前。暫睡片時。起來再告。正是一覺放開心夫
愁夢。竟先已到陽臺。困介末。鬼判把那婦人的靈魂。
扣將過來。雜領法咒。末。婦人。若知前世因。今生受者
是。欲知後世因。今生作者是。敎桂英。你與王魁。前世
有善惡相關。爭奈有陰陽間隔。難以處分。直待你陽

他桂英桂英。我那兒。起來回去罷。如何能睡得熟。原來把羅帕纏死在此。我那兒。好苦。待我解下那羅帕來看呀。渾身都冷了。我那兒。死得好苦。爲什麼來由。山坡羊。白茫茫風波平地。杳沉沉靈寃何處。你恨漫漫含冤在九泉。都是你那鐵心腸的娘。生擦擦逼你將身棄。我那兒。你好心性痴。這休書。又不知是真的。是假的。也湏問箇是與非。如何不耐此。三兒氣。如今呵。一入冥途無路歸。我的兒。雖不是我親生的呵。湏知滿望終身靠着伊。誰知今日番教斷送伊。

我那兒。你死在這裡家中。又不知道如何是好。丑上
自不整衣毛。何須夜夜號。我那桂英不肯依我改嫁
那金員外。昨日潛自出門。至今不見歸家。今日五更
我那老兒。到海神廟去尋他。也不見回來了。不免我
自去尋他回來。再擺佈他一場。我那兒。不要說要我
改嫁。要你死。一定死還我來。這裡已是海神廟。誰人
在裡頭啼啼哭哭。見外介既老兒你爲何啼哭。外你
看。這不是桂英。被你威逼不過。把羅帕纏死在這裡
了。丑呀。果然死了。我那兒。你好沒分曉。那王魁是什

麼好人。你把性命也爲他斷送了。

前腔丑你眼巴巴指望夫榮妻貴誰想他呵惡狠狠
一旦忘恩失義你氣冲冲不肯改嫁那富室急煎煎
情愿做無夫鬼你也休怨誰明明是他害你外是你
逼他嫁人就是你害了他倒說他害你丑怎麼是我
害他都是他焚香剪髮賢夫婿我那兒你若告到陰
司非干娘事也須知滿望終身靠着伊誰知今日教
教斷送伊

外媽媽如今他死了衣棺將何措辦丑他衣服還有

幾件。那身上穿的好在這裡。我見王魁去後。他裡邊
衣上。都打着同心結。金鈕扣。也有十來副在上。外不
信有許多。丑你不信。我取幾副與你看。摸介呀。公公
這箇丫頭是詐死。外怎麼有這等事。丑你不信。心窩
上還是熱的。外有這等事。待我看來。呀。果然還是熱
的。丑我知道了。三五箇月前。與他算命。說他有兩晝
夜黃泉之厄。後來還有起死回生之兆。外原來如此。
寧可信其有。不可信其無。我與你。且把他扶在殿後
空房中。看守一兩日。禱告神道。尋箇醫人救他一救。

倘有再生之日也。未可知。丑這箇也使得扶他進去了。待我回去。報與二姨知道。下

寶劍記

夜奔

點絳脣 生上 數盡更籌聽殘玉漏迤秦楚好教俺有
國難投那場兒相窮究

欲送登高千里暮。愁雲低鎖衝陽路。魚書不至鴈無憑。幾番濕作悲秋賦。回首西山日已斜。天涯苦若堪誰訴。丈夫有淚不輕彈。只因未到傷心處。俺林冲只因一時怒殺高球奸細二人。幸喜得黑夜無人知覺。迤至柴大官庄上。又象他修書一封。教俺投奔梁山。

日間不敢行走。夜來山路崎嶇。呀。前面黑洞洞。想是
一所村店。不免借宿一宵。明早再行。多少是好。呀。原
來一所古廟。行來不覺精神勞倦。少睡片時。且喜此
廟中無人在此。不免到伽藍神聖尊前。禱告一番。同
神介。伽藍神聖。念林冲乃逃難之人。身負冤讐。莫能
伸雪。今晚借宿在此。望神明陰中保佑。指引前途。作
睡介。淨扮伽藍上。生前能護國。死後作伽藍。眼觀三
萬里。日赴九千壇。吾乃本廟護國伽藍神是也。今有
天雄星避難至此。不免指引他一番。多少是好。林冲

將軍。擡頭起來。聽我分付。今有徐寧。帶領官兵。追至
黃河渡口。捉拿你甚緊。你今番不走。等待幾時。正是
大抵乾坤都一照。免教人在暗中行。下生醜驚介呀。
唬死我也。唬死我也。朦朧之中。似夢非夢。分明夢見
本廟護法伽藍神聖。道有金鎗手徐寧。帶領官兵。追
至黃河渡口。捉拿你甚緊。道你今不走。等待幾時。向
神謝介伽藍神聖。你保佑俺林冲弟子。脫離此難。無
災無害。直至梁山。倘有寸進之日。那時重修廟宇。再
塑金身。天尚未明。不免灑開脚步。走一回來也阿。

新水令 按龍泉血淚灑征袍。恨天涯一身流落。專心投水澗。回首望天朝。急走忙逃。顧不得忠和孝。

只看雲橫斗柄。月色澄清。宿鳥投林。昏鴉歸陣。好傷感人也呵。

駐馬聽 良夜迢迢。投宿休將門戶敲。遙瞻殘月暗渡。重關急走荒郊。身輕不憚路迢遙。心忙又恐人驚覺。魄散魂消。紅塵中悞了咱。五陵年少。

水仙子 一朝直諫觸權豪。百戰功勳做草茅。平生勤苦無功效。名不將來青史標。爲國家總是徒勞。再不

似油調，切妻室。今何在，老尊堂。恐喪了，劬勞父母恩。
難報悲號，英雄氣，怎消。嘆英雄氣，怎消。

沽美酒，懷揣着雪。刀刀懷揣着雪，刀刀行一步哭號。
眺急急羊腸去路遙，且喜得明星下照。昏慘慘雲迷，
霧罩，疎喇喇風吹。葉落振山林，虎嘯遶溪聞。哀
哀猿叫，我呵，說得俺，魂飄膽消。百忙裡，走不出山前。
古道。

收江南呀，又只見烏鴉陣陣起，松梢數聲殘角斷。漁
樵忙投村店，伴寂寥。想親幃夢杳，空隨風雨度良宵。

故國空勞夢

思歸未得歸

此身渾寄跡

有淚濕沾衣

紅梨花記

計賺

生上茜裙紫袖映猩紅。飛絮輕颺花信風。好景更兼
逢窈窕。千金一刻語非空。小生自遇王小姐之後。不
覺神魂飄蕩。廢寢忘食。天下怎麼有這等樣美人。便
覺功名富貴。盡皆輕了。好笑錢孟博。只管來催我去
會試。雖則是他好意。他那知我心上事。就把一箇狀
元撒在街上。小生難耐煩別了那人。遠遠去拾回來。
昨日被我發作了幾句。想必今後不差人來了。就再

怡春錦

卷之十

三

來。我也只是不去。且慢慢再住幾時。只一件。小姐雖則綢繆。繆繆。但是曉去夜來。怎得尋箇計較。日間相聚便好。待他今晚來時。把這話對他商議。昨日有客來訪。今日要去答拜。不免趁早去了。就回。關門介。掩却白雲關。來尋青眼客。下。老旦提籃上。老婢花婆是也。領錢爺命。去說趙解元。赴京會試。提着這籃兒。西園採花去。走一遭也呵。

北點絳唇。只爲着年老甘貧。滿街廝趁。提着箇花籃兒。爲營運。且度朝昏。將花朵作資本。

比混江龍入的園來。好花卉也。你看那洛陽丰韻。三
春紅紫鬪精神。白的白碧桃初綻。紅的紅仙杏芳芬。
嬌滴滴海棠開噴香馥馥。含笑氤氳。呀。什麼人扯住
我笑介。元來是牡丹枝。挂住了團花襖。薔薇刺。抓扎
起石榴裙。拂袖介。爲甚的蝶翻了兩翅。粉蜂惹的滿
頭紛。非關是金谷園中千朵豔。端只爲賣花頭上。
一枝春。把蜂蝶來引引。

呀。遠遠的趙解元來也。噤只顧採花。看他問。噤不問。
嗔生上。可憐妖豔。正當時。剛被狂風。一夜吹。今日流。

罵來舊處。百般言語怨空枝。小生方纔拜友而歸。已
到寓所。呀。什麼人在那裡採花。我且上前去問一聲。

兀那老婆子。爲甚採俺家的花。老旦作驚介

北油葫蘆。聽得喚一聲。婆子把咱喚引三。驚嚇的
我兢兢戰戰。可也沒逃奔。那哥哥咬定牙。將人狠。我
這裡忙伸手。將花籃搵。我又不是園王家掌。花人又
沒有斗大花門印。爲甚麼平白地將他花枝來損。且

只得上前去。告箇不是咱。見介哥。老婢子萬福。生回

揖介老旦。折了花枝。是老婢子不是了。望乞恕罪。別

的休說可看我貧老又單身

生這也罷了。

北天下樂老旦則見他叉手忙將禮數論回也波嗔喜津津生婆子我看你年紀老了一探這許多花何用難道自己戴老旦老婢插戴沒福插戴他止因爲老年人沒計度饕饕採將來賣幾文賣得來換米薪常言道人怕老來貧

生元來你賣花爲活這也罷了。你只傾出來。我逐一看看。或且有用得的。就問你買幾枝兒。老旦做傾介

取一枝遞生介生這是竹葉兒。插又插不的。戴又戴不的。要他則甚。老旦要他打底哥。不爭你提起竹葉來。

比那叱令想當初李白的開尊。虛疑是故人王猷的造門。不須問主人我愛他。絕塵報平安好信哥。這竹有許多好處。搖風月稍拂雲。傲冰霜無滯磷。你不見麼。湘江上二女淚斑痕。

生再取一種來看。老旦取介生這是桃花。沒甚蒂絮。要他何用。

北鵲踏枝老旦這桃花從蓬島分休則向玄都問誰知道前渡劉郎再來時面貌堪嚙不爭的把漁郎勾引惹得人急穰穰爭去問迷津

生再取一種來看老旦取介生這是海棠花也沒有甚希罕。

北勝葫蘆老旦杜鵑啼血感離人粧點上陽春嬌似紅脂嫩膩粉這花夜間看最好倚東風睡足高燒銀燭爛慢月黃昏

生再取一種來看老旦止有柳枝兒了生這一發沒

用。老旦偏有楊柳最可恨。

么他在渭城客舍，鬪清新，慣會送行人。蚤已是章臺今日長條盡，則看他迎風襲襲籠烟裊裊腸斷壩橋濱。

生你籃兒裏還有別種麼？老旦你不見這籃子空空的，再沒有了。生元來則這幾種，並沒奇異，值得幾文

錢。老旦這園中也則有這幾種。生難道則有這幾種

我到有一種異花在那裏，可憐你又老又貧，送與你去，多賣幾文錢，何如？老旦哥，生受你，借來看看。生我

好好供在書房內。待我取出來。取花介。這是你可認得這種花。叫甚名兒。老旦看驚介。呀。有鬼也。有鬼也。生婆子。青天白日。有甚麼鬼。你見這花。却怎生驚駭起來。老旦苦。哥却不知。這不是人間的花。這是鬼花。生胡說。鬼那裡有花。要你說箇明白。老旦悞了老婢子賣花也。明日來和你說。生婆子休去。你且說一箇明。老旦我說來。你休害怕。生我不怕。老旦哥。這花園是誰家。生是王太守家的花園。老旦可知道。你曉得。蓋花園的緣故麼。生不知。老旦王太守有箇小姐。性

愛看花。故此蓋這所花園。到得春間。萬花開綻。那小姐日日坐在亭子上看花。不意牆外有一秀才。闖入園中。與小姐四目相覷。兩意倦戀。只沒處下手。那小姐終朝思想。害相思病死了。王太守與夫人捨不得他遠離。就埋在亭子後邊。那一靈不散。他塚墩上就長出一棵樹來。開的是紅梨花。那小姐每遇花開時。風清月朗之夜。常常現形。坐在亭子裏。只要纏擾年紀小的秀才。生怕介老旦哭介生婆子。却爲何哭起來。老旦老婢有箇孩兒。也是秀才。爲那城中熱鬧借

此花園看書困倦。只見月明如晝。推到亭子邊去。散步。不意亭子裏起陣怪風。現出一箇如花似玉的小娘子。與我孩兒四目相窺。兩情捲戀。當夜就要到孩兒書房中。只見亭子後邊大叫說。老夫人睡醒了。那小姐倉忙而去。說明晚又來。到得明晚果然又到孩兒書房中來。手中携一枝紅梨花。那時孩兒年紀小。春心蕩漾。與他那話兒了。從此以後。夜來明去。勾不上一月。把孩兒送死了。咳。可憐。可憐。如今止存得一箇老身。好苦也。老旦又哭介。生婆子。你可曾見怎麼。

一箇模樣。老旦老身那裏得見。止聽得孩兒臨危時說。

寄生草他梳粧巧，打扮新藕絲裳愛，把纖紅襯眉灣，新月微微暈櫻桃小口，時時晒青螺小髻挽烏雲，千般淹潤都裝盡。

生這一會兒，不由的害怕。老旦吓吓有鬼也。有鬼也。哥你看怪風來了也。

入卒律律旋風刮，黃登登幾縷塵咳。王小姐王小姐，你把我孩兒纏死，真堪憫，你送得我老年孤獨無投。

弄你今朝又待將咱近。老旦折桃枝介。生這是桃枝。
要他何用。老旦哥我那裏去尋法師仗劍頌天蓬先
打恁孃五十生桃棍。

生婆子你不說我那裡知道兀的不說殺我也。老旦
這裡不是久站之所我去也。生扯住介。沒奈何你再
伴我會兒。老旦哥你莫不也着他手了。說與我聽。生
我死也。我死也。說不出。說不出。老旦咳。小姐小姐。

賺煞尾。我與你生前本無讐。今日賺得無人問。你何
不把陰靈付村。但只顧將平人來害損。你便是逼人。

命惱凶神女弔客母喪門天魔崇撲子弟野狐涎打
郎君則恐罪業深地獄近下阿鼻絕人身哭介我那
兒呵。可憐你三載幽魂何處沉淪咳。且喜波得這位
哥可蚤有替代你生天路兒穩。

老旦下

生弔場婆子轉來。呵呀。他去了。這會兒一發

害怕。我那裡知這小姐。到是箇鬼。如今怎麼好也罷。
建業開科。錢孟博幾次來催。止爲着那些頭腦不肯
去。如今只得去了。愚介琴劍書箱都在這書房裡。怎
麼敢再進去取罷。撇下罷了。就今日快去別了孟博。

就與他借些盤纏。快快上路去罷。

千金記

追賢

天下樂生上功名未遂令人笑思量起暗禪鬼消辛
勤苦盡枉徒勞終湏埋沒荒郊草

世上萬般皆是命。果然半點不由人。我韓信投楚以
來。只爲官卑職小。不稱吾才。爲此棄楚歸漢。又着我
做連殿典官。纔管得三朝職事。被楚軍燒了倉廩。同
事十二人。都問死罪。若非滕公放免。我韓信幾乎一
命難逃。又蒙蕭丞相保舉。幸脫此難。我想起來。瓦礫

不離井上破。將軍難免陣中囚。倘或再有過犯。決不饒我了。不如棄此卑職。逃回家去。見我妻子一面罷罷。正是命運不該金紫貴。終歸林下作閑人。如今月朗風清。正好行路。誠恐後面又追起來。不免打從山僻小路。逃出函關。再作區處。

新水令恨天涯流落客孤寒。恨天涯流落客孤寒。嘆英雄半生虛幻。坐下馬空踏遍山色。雄背上劍光射着這斗牛寒。恨塞滿天地之間。雲遮斷玉砌雕欄。搵不住浩然氣冲霄漢。

駐馬聽回首青山拍拍離愁滿戰鞍舉頭新鴈呀呀
的哀怨半天寒實指望龍投大海駕天關誰承望軍
騎勒馬連雲棧覷英雄如等閑堪恨無端四海蒼生
眼下

雙聲子外上再追去再追去不顧程途杳衆老爺諸

將卜者多少不追怎麼獨追韓信外諸將易得韓信

難討可作大將軍鎮國奇寶世上無雙人間絕少下

川撥棹生幹功名千難萬難求進身兩次三番昨日

箇離了項羽今日箇別了炎漢不覺的皓首蒼顏對

着這月朗回頭把劍彈搵不住英雄淚眼

內敲鑼鼓介

雙聲子

生

鎮聞得鎮聞得鑼鼓喧天關可是軍中追

吾囉哩何處可潛踪身埋芳草

衆起得心慌剛剛湊

巧

衆韓爺且住馬者俺家老爺在此

生

是誰

外

韓先生

是我老夫住了馬

鴈兒落

生

丞相你將咱不住趕俺韓信則索把程途

盼

外

韓先生下馬與你講話

生

老丞相噤聲

外

韓先生

生。怎麼叫我噤聲。生爲甚麼恰相逢便噤聲。非是俺
不言語相人慢。

得勝令呀我則怕又手告人難。因此上懶下寶雕鞍。
外我奉漢天子的命來請你。生說着那漢天子猶心
困外先生若如此說。你又欲投楚之意了。生量着那
楚重瞳怎掛眼。乘駿馬雕鞍向落日斜陽岸。伴簑笠
綸竿。我只待釣西風渭水寒。釣西風渭水寒。

外先生快下馬來。漢天子有用你的好意。你今一事
無成。往那裡去。生丞相。

掛玉鈞我怎肯一事無成兩鬢班。既然不用俺英雄。
漢外先生爲什麼不說而行。連夜而走。生因此上鐵
甲將軍夜渡關。老丞相莫不是爲馬來將人盼。外馬
值得多少。老夫自來。生既不是爲馬來。有甚麼別公
幹。外先生。老夫特來請你轉騎。要扶助漢室江山。生
你着我扶助江山。須保奏我掛印登壇。

外這都在老夫身上。先生請回去。生是。外小校可有
船麼。衆有箇漁船在那裡。外喚他撐過來。叫船介丑

扮漁翁上。來了。來了。繫了船。請上船者。生小校多少

時分丁。衆半夜了。

七兄弟生 半夜裡恰回還抵多少夕陽歸去晚澗水

潺潺環珮珊珊冷清清夜靜水寒這的是漁翁江上

晚

作上船介

收江南生 脚踏着跳板手執着竹竿不住的把船灣

又只見沙鷗驚起蘆花岸見忒楞楞飛過了蓼花灘

似禹門浪激桃花泛

梅花酒呀雖然是暮景殘雖然是暮景殘外先生好

夜景。

生

恰夜靜更闌對綠水青山正天淡雲閑明瀉

溜銀蟾出海山光燦爛玉兔照天關呀撐開船掛起
帆撐開船掛起帆俺紅塵中受塗炭恁綠波中覓衣
飯俺乘駿馬去登山恁駕孤舟怯風寒俺錦征袍怯
衣單恁綠叢衣不能乾俺空熬得鬢班班恁枉守定
水潺潺俺不能勾紫羅襪恁空執定釣魚竿俺都不
道這其間呀這的是烟波名利大家難上岸介抵多
少五更朝外馬嘶寒對着一天星斗跨征鞍非是我
倦譚這的是筭來名利不如閑

外先生請頭騎了。

煞尾生俺想這男兒受苦遭磨恰便似蛟龍未濟

逢乾旱塵蒙了戰策兵書消磨了杖劍瑤環暢道周
帳秦營功太晚似這般涉水登山休休可着我便空
長嘆外先生請了生謝丞相執手相看我此一去你

看我赤心報國辟土開疆若不用我我待釣一綸香
餌明月清風笑你箇能舉薦的蕭何你便可再休來
趕

奈子花外先生劉沛公附耳低言指日間拜將築壇

方歸私室。正欲接譚。表老夫回舍。去問書童。請韓老爺出來講話。書童回說。韓老爺騎了白馬去了。教我尋不見。如冰投炭。我一聞此言。諒先生此去。漢天下一定失。老夫朝衣也不卸。急跨征鞍也。電奔星馳。月下追趕。回還。

前腔。生感丞相吹噓微賤。料韓信福薄緣慳。三朝典客便遭刑憲。外先生此一回去。就要築壇拜將了。生當不得典。劉之念。外先生老夫決不虛話。生老丞相言之當也。倘時來運至。一朝榮顯。

外帶馬過來請韓老爺同去。生老丞相小生倘或回
去漢王再不能重用。那時老丞相如何處之。外漢王
再不聽老夫之言。即時解袍納印。觸堦而死。生如此
還有一事。外怎麼說。生子房與小生一角文書在此。
取書介外呀。韓先生是我老夫與沛公子房三人議
定。要一箇與劉滅楚的文書。先生緣何一向不拿出
出來。生將書出來。又道小生干豫老丞相了。外韓先
生快請到寒家去住幾日。必有分曉。

月下相追意甚濃

勒馬揚鞭轉蜀中

只憑一紙與劉表

早向轅門奏沛公

千金記

點將

中呂粉蝶兒。生上手摘星辰。脚平踏禹門湖信。吐虹
霓。千丈絲綸。整乾坤。清四海。怎肯教魚龍一混。今日
箇得志。羽扇綸巾。再休想踐窮途。客身難奔。昨日箇
看青山觀綠水。翺光昏。今日箇白馬紅纓。綠色新。都
做了一宵夢。醒遇閒人。俺韓信也不似這般諄諄。三
省吾身。五陵豪氣。今日箇一言難盡。

身為元帥出天恩。奉統貔貅百萬兵。今出陣前人馬

服威行圖外鬼神驚印似才。劔如銀。蓮花帳。理定乾坤。英雄此日雖遭遇。憶昔相逢跨下人。

石榴花。昨日箇從征。駢千里。薦紅塵。單騎遇私奔。若不是朝中宰相可也。自勞神把飄零客身引入賢門。若不是老丞相追趕呵。這其間趁西風人遠天涯近。衆公卿步步趨迎。擺列着七層圍子可也。迎韓信。這的是天子重賢臣。

前腔。跌不得舞蹈揚塵。暢好似撲搭地謁至尊。不若如文王可也。自臨自臨至涓涓。諒着這箇響鐵之夫。

怎受得恩。怎做得那社稷臣。因陛下納諫如流。因此
上丞相呵把。我來奏准。

昨蒙聖上拜我爲大將。身作那家打石。胸藏文武才
能。吐氣則雲霞散彩。出口則雷電爭光。一怒須教羣
醜喪。九州方見大同風。卽今勅吾統領大兵。下壇之
時。密陳一本。衆將皆居王位。若令不從。將如之何。蒙
主降旨。明白道來。如朕不在。任爾要罪。我見軍中做
物氣高者多。必須先振軍心。纔可行兵。叫曹叅。雜應
介。有。生。與我傳令。一鼓絕。埋鍋造飯。二鼓絕。整身披

掛三鼓絕。衆將上壇聽點。應介。生。再與我掛兩行牌額。聽點不到者斬。擅闖營門者斬。聞鼓不進者斬。聞金不退者斬。語笑喧譁者斬。奸人妻女者斬。洩漏軍機者斬。交頭接耳者斬。邀功奪戰者斬。臨陣不顧者斬。雜照前白。衆應。生。搥鼓聚將。搥鼓介。衆將上。生。衆將收歛兵器。上前打恭。衆打恭介。生。衆將官當職蒙皇上之恩寵。領兵家之將權。在我者披肝掛膽。在爾者并力同心。鼓者進。金者退。須加嚴謹。功者賞。罪者罰。我不食言。汝等可知道我的官銜麼。衆應。介。不知。

生大漢左丞相。天保大將軍。關外六國都招討。臣等
破楚神策大元帥。韓起在一邊聽點。眾應介。眾稟元
帥。眾將花名號簿。生取上來。首將曹叅。應介。九江王
英布。應介。大將陳穉。應介。大梁王彭越。應介。大將張
耳。眾應。御差。武楊侯樊噲。應介。大將周勃。應介。大將
灌嬰。眾應。御差。生。怎麼有許多御差。眾未蒙之先。差
出造船。生這也不完了。生大將魏豹。應介。大將周昌。
應介。老將王陵。應介。呂馬通。應介。大將夏侯嬰。應介。
閔子奇。應介。大將紀信。應介。斷食其。應介。大將傅餐。

應介雍齒。應介大將黔布。應介丁公。應介廬縮。應介
大將殷蓋。衆應不到。生昨日分付聽點衆將俱到。他
如何故違軍令。擲來。應介殷蓋上將相本無種。男兒
當自強。衆元帥點名不到。叫擲你去。殷蓋當面。生昨
日分付聽點。衆將俱到。你何故來遲。丑今日元帥出
軍。與妻子喫杯離別酒。故此來遲。生咄。豈不聞受命
於君。則忘其親。將軍約法。則忘其家。旣以一身許國。
豈有妻子之念乎。

出隊子。我今日呵登壇點將。我今日呵登壇點將。說

甚麼暮登天子堂。我今五中三令不尋常。從來的將相本難量。叫曹叅快與我將他斬首在轅門外廂。

雜獻首級。

生

懸掛轅門示衆。

中淨

可惱。

可惡。

韓信這

儒夫與漢家並無拒箭之功。就斬了一員大將。

生曹

叅。是什麼人喧嘩。

雜

先鋒樊噲。

生

你與我挪過來。挪

介樊噲。你何故喧嘩。亂我軍心。

中淨

韓信。你無資身

之策。乞食於漂母。又無兼人之勇。受辱於跨下。漢王

拜你爲將。並無折箭之功。怎麼就斬了一員大將。可

惱。可惱。生。噫。豈不知我居楚。不過執戟侍漢。不出連

殿。昨日與你一殿之臣。今日違吾將令。推出棘門。斬
訖報來。中淨韓信。你這餓夫。一介小人。吾乃椒房之
親。有何德能。就敢斬我。生你倚着椒房之親。說我是
箇小人。你聽者。

十二月。伊尹曾耕於有莘。子牙曾守定着絲綸。傳說
在岩墻版築。夫子在陳蔡。居貧休笑俺。是白衣糜人。
休笑俺。是白衣糜人。蕭何他也是黎民。從來將相出
寒門。一朝天子一朝臣。薦賢的爲國大元。的這勳你
是箇低頭喫肉大將軍。賣弄你花也麼唇。幾曾見你

提鎗刀劍戟掄我。只見你殺狗處持刀。必樊噲。

哈麻子。你道我跨下夫。你道我跨下夫。俺今日列兩
行文共武。你道我乞食於漂母。你是箇殺狗一屠夫。
你道是椒房親戚。他除授我元戎帥府。有相國推輪
捧轂。休在吾行強辯。霎時間斬首無徒。

自古拜將一節。由軒轅拜封侯。以滅蚩尤。秦王拜王
翦。并吞六國。武王拜太公。滅紂興周。今主公拜韓信。
只要滅項。與劉我。今日在此。上不知有天。下不知有
地。前不知有君。後不知有臣。只聽闔外將軍令。那待

怡春錄

回朝請指揮。叫曹泰快推出轅門。斬訖報來。外急上

聖旨着樊噲。雜蕭何擅闖營門。生拿蕭何砍了。外有

玉札。生既有玉札。請過來。外立正場。聖旨留人。生拜

愿吾皇萬歲萬歲。聖上不知留何人。外聖上有旨

朕蓋故違將令。誅得正當。今有樊噲乃椒房之親。可

看朕面饒他一命。生請過聖旨。老丞相。此來差了。既

有聖旨。合該先着人通報。我好接旨。又是韓信今日

在此點將。若是與項羽交戰。還是接旨好。還是交兵

好。倘有奸細。吾何防之。外是不敢。生這旨意不是赦

樊噲的單救了老丞相的罪了。請回外是。

上小樓生老丞相你不該擅闖營。你前來違吾號令。本待要斬首在轅門。又道是不近人情。叫曹參、蕭何。是馬來的。步來的。雜馬來的。生把馬去。四足把馬夫砍了。以代蕭何之罪。雜應介你快疾行。莫暫停休。得要謙遜。你若少遲延。教你霎時命傾。

外帶馬來。雜老丞相擅闖營門。合該處斬。元帥將馬。則了四足。馬夫砍了。以代丞相之罪。外願將軍通報。

蕭何謝罪。雜蕭何謝罪。生明日帥府相見。外漢室將。

興令如山。嶽動言出鬼神。驚生叫曹叅。帶樊噲過來。
哦。狗夫。狗夫。我道你爲何。敢敵大膽。原來倚托椒房
之親。你說我沒有半枝抗箭之功。就斬了一員大將。
不是我諛口說。取漢室江山。劉王社稷。在番掌耳。你
道鴻門救駕。獨虧于汝。汝何不請你主公。帝居咸陽。
拜我韓信何用。聖旨留你。死罪饒了。活罪怎麼饒得。
發軍政司。重打一百雜帶。下復上介。

雪裡梅生。樊噲你可自知罪。奉聖旨且饒伊。恁害了
相國蕭何。險赴法雲陽市。將那人爪了首級馬廐。

了四足從來軍令不見戲你快疾行明修棧道莫羈
遲使各國禦戰敵迅雷不及掩耳限你箇三朝五日
星夜奔馳不憚驅馳修築沙堤若是違吾號令罪不
容恕你若藐視軍機獎喻休想我輕輕的放過伊

矣你三千老弱軍馬明修棧道近前來附耳低語介
只許你修不許你完

中淨得令

下生

衆將過來聽令

衆應介殷蓋來遲吾以斬首獎喻喧嘩吾以痛責王
法無情各宜遵守三令五申七符六詔雖云兵法有
奇其實兵行詭道衆應介

山花子生築壇拜將君王命諒諸侯敢違吾令笑西
楚刻日定秦燕齊趙魏遭迤衆將軍必須用心明修
棧道須早行陳倉暗度須用心指日鞭敲奏凱回程

鮫綃記

訪賢

節節高外上。位列朝班百僚之上。爲卿相輔國勤王。久日後圖寫在凌烟閣上。

吾乃趙普是也。官居台鼎。職任鈞衡。荷朝廷寵渥。仰聖君知遇之厚。今夜雪積瓊瑤。寒侵珠箔。不免進書房。將論語觀看一番。張全閉上門。倘有報機密事的。可來通報。虛下。

聲聲慢。生扮太祖帶從人上。禁鼓初通。爐烟猶繞。上

方凍盡。袞龍裘。莫道寒聲料峭。

寡人是陳橋兵變。立我爲君。國號大宋。冷夜欲往趙
普家。定川廣之策。取吳越之謀。爭奈瑞雪漫天。朔風
似箭。如此寒呵。

端正好。水晶宮。鮫綃帳。光射那水晶宮。冷透鮫綃帳。
夜深沉睡不穩。龍床離金門。私出在天街上。正風雪
空中降。

滾繡毬。似紛紛。驟翅飛如漫漫。柳絮狂舞。冰花旋風。
兒飄蕩。踐瓊瑤。脚步見移忙。將白襴衫兩袖遮。把烏

紗小帽擡。猛回頭。將鳳城兒凝望。全不見碧琉璃瓦。
鴛鴦。霎時間九重金闕如銀砌。萬里江山似玉粧。
粉飾封疆。

末。故萬歲來到了。

倘秀才。生。我只見鐵桶般重門兒閉上。俺將那銅獸
向雙環來叩響。內云。敲門的是何人。生。我是萬歲臺
前趙大郎。內。到此何幹。生。料堂中無客伴。內。丞相在
燈下看書。生。你道是燈下看文章。俺特來聽講。

內。我這裡是三公相府。聽甚麼。何不去南北寺裡尋。

一箇沒頭髮的和尚聽講。

呆骨朶生俺衝寒冒雪來相訪俺有些機密事緊待

商量內既有機密事何不早說待我稟丞相然後開

門稟介外原來聖駕到了。擡過香案開了正門生力

士工人慌甚麼忙你道是調和鬪鬪三公府叫我那

裡尋一箇沒頭髮唐三藏外此乃臣該萬死望陛下

天赦生此乃卿家規矩朕不見責你乃是招賢宰相

寡人到跟前聽講外快看茶湯生你休得在耳邊廂

喚點茶湯外今晚瑞雪紛紛聖駕親臨有何曉諭生

朕不學漢高祖身居未央朕不學唐天子晝眠晉陽
翠被生寒金鳳凰有心思傳說無夢赴高堂外既有
國事何不宜臣入朝敢勞聖駕親臨生這的是爲君
俯理堂

滾繡毬既然在海內爲君也索盡三綱五常朕幼年
曾讀孫吳韜畧恨未到孔聖門牆外陛下五經皆通
何故言此生尚書讀幾篇毛詩讀幾行講周易始知
文象論春秋立見典人朕待學禹湯文武宗堯舜卿
可及房杜蕭曹立漢唐燮理陰陽

外請陛下書館中避寒。生卿家案上是何書。外是一
本論語。生論語乃幼年所讀之書。看他怎的。外啟陛
下。但齊家治國平天下。都在這本書上。

倘秀才。生卿道是用論語治國有方。却原來蘊半部
山河在上。聖道如天不可量。外臣有酒一壺。不敢進
上。生既有酒。將來何玆。外左右請夫人出來。生不是
譚經臨絳帳。抵多少開宴出紅粧。聽說罷神清氣爽。
貼上樵鼓起。更闌金風透體寒。吾王萬歲萬萬歲。生
內使徹了此燈。

滾繡毬只見銀臺上畫燭明金爐內寶篆香外故陛下臣執壺妻把盞生只須老兄自斟佳釀又何勞尊嫂親捧霞觴外糟糠之妻何當陛下以嫂呼之生卿道是糟糠之妻不下堂貧賤之交不可忘常言道表壯不如裏壯妻若賢夫免災殃底與卿比如太甲逢伊尹卿與嫂好似梁鴻配孟光則願你兩口見福壽綿長

外謝聖上金言生我有大事與卿商議請尊嫂自便

點吾王萬歲下

倘秀才生歎息論前王與後王合眼慮興邦與喪邦
曉夜無眠想萬方又不是歡娛嫌夜短寂寞恨更長
我的憂愁事兒有幾椿

外不知聖上所憂何事

滾繡球生憂只憂當站的身無掛體裳憂只憂爲農
的家無隔宿糧憂只憂行船的顧不得一江風浪憂
只憂駕車的萬里經商憂只憂苦寒的妻怨夫忍饑
的子哭娘憂只憂甘貧的晝夜眠陋巷讀書的夜寐
寒窓憂只憂布衣賢士無活計鐵甲將軍守戰場提

起來感嘆悲傷

倘秀才。夢的是百姓苦。教寡人在御榻上心勞意攘。

外。陛下敢是嫌天下小了麼。生。我。祿甚麼。天下小寡

人。眠思夢想。想着太原府劉崇那厮。每占拒北方。寡人離了丹鳳闕。親擁着碧油幢。先取了河東上黨。

外。臣敬陛下。太原不過彈丸之地。何必親征。臣設一

計。先取四處。然後打上黨。目今四川孟昶王。兩廣劉

張王。江南李王。吳越錢王。這四王。皆溺于酒色。望陛

下與一仁義之師。解百姓倒懸之苦。席捲長驅。戰必

勝也。

滾繡球生你道是錢王與李王劉張與孟杲那厮每
行霸道百姓遭殃卿命何人收四川令誰人定兩廣
取吳越必須名將下江南須用忠良定江山須得箇
鎮乾坤碧玉擎天柱誰是箇平宇宙架海紫金梁你
與我仔細參詳

外臣計已定今遣四將收了四處令石守信取吳越
王全斌收四川潘仁美定兩廣曹彬下江南皆是忠
良名將生既然如此與寡人傳下密旨宣四將寡人

面諭衆上手執彤弓彎似月腰懸寶劍自如霜吾王
萬歲萬萬歲

脫布衫生取金陵飛渡長江下錢塘平定他邦西川
路休辭棧道定兩廣莫辭烟瘴

醉太平陣衝開虎狼身冒著風霜恁將六韜三畧定
邊疆把元戎印掌只願你身披鐵甲添雄壯馬衝玉
勒難遮擋鞭敲金鑊響叮噹早班師汴梁下